



Medius hic Meridianus est 17 reliqui ad hunc inclinantur pro ratione 39 et 42 parallelorum.

Leuca Hispanica  
Milliaria Germanica

RHX

tur: quæ vitiose *Sabaria* apud Antoninum. *Sarabrim* tamen esse putant Florianus del Campo & Gomerius Opidum illud, quod vulgo vocatur *Tora*, Latinis *Taurus*, ad Durium fluvium. Non autem postremi hic videtur loci *Salmantica*, Antonino & Ptolomæo, *Salmatis* Pylæno: *Salamanca* vulgo. Haud procul hinc ad fluvium, quæ ut putant Vaseus & Clusius *Myrobriqa* Ptol. Celticorum Opidum in Lusitania. Tendentibus hinc versus Meridiem occurrit *Coria*, *Cauria* quondam, ut scribit Clusius; *Cauriam* ab Latinis Iunioribus appellari tradit Andr. Schottus. *Cauria* versus Ortum ad nonam circiter leucam est *Placentia*, urbs pulcherrima: cujus Citria, cæterique arborum fructus, nec non panis candidissimus maxime solent commendari & expeti: *Plaxensia* vulgo. Habet *Placentia* sub sua ditone Opida amœnissima, in quibus est *Xavahicium* nemoribus superbiens, & in *Pisaro* in Convalle jacens, velut altare, ut Marinæus notat, in Testudine templi. Montes *Placentiæ* adjacentes, ab ipsa urbe *Verade Placentia* cognominantur. Quæ *Avila* hodiè, Ptol. *Olbula* nuncupatur, ut vult Clusius. Haud procul fontibus *Areva*, *Segobia* jacet, quæ Plin. & Anton. *Segovia*, ut hodieque, Pt. *Segobia*. Urbs est lanificio & aquæ ductu visendo Romani operis nobilis: in qua, ut Vaseus scribit, illud memorabile, quod illic nemo conficiatur ociosus, nemo mendicus, nisi qui per ætatem aut morbum opus facere non possit: quum nulli desit, unde victum quærat, aut in quo se exerceat, Quæ nunc *Aranda* ad Durium flumen, *Rhanda* Vaccæorum urbs est Ptol. in Hispania Tarraconensi: *Randa* Antonino ex emendatione Hieronymi Suritæ: nam antea *Ravdaclunia* cum altera mansione mista legebatur. Quæ incerto scriptori *Exoma*, *Vcoma* Plin. est, qui addit nomen hoc crebro aliis in locis usurpari, *Vcsama* per S in antiquo marmore legitur: *Osma* hodiè dicitur. Reliquas nominatis a nobis adponendas Curiosioribus relinquimus. Sed hæc de urbibus & opidis sufficiant: ad Castellam Novam transeamus.

*Castella-Nova*, ad Septentrionem adhærens Veteri, reliquis lateribus clauditur Portugallia, Extremadura, Andaluzia, Granada, & Valentia. Abundat Tritico aliisque segetibus, ad utramque Tagi ripam sita. Metropolis Castellæ Novæ *Toletum*, ut Latini vocant: *Toleton* Ptolomæo: hodiè *Toledo*. *Toletanus* nominat Plinius: *Colonia Toletana* est in Nummis Augusti apud H. Goltzium: Serezolam etiam scribit appellatam fuisse Villanovanus ad Ptolomæum Centrum est & quasi umbilicus Hispaniæ: Situs clivosi, inæqualis & asperioris, ascensus ambulationisque difficilis. Majorem partem alluit & contra hostes tuetur Tagus: qua Arcticum spectat Polum, muris munitum est validissimis Turribusque CL. Nobilium inges in hac urbe numerus: Cives admodum sunt industrii. Cum aliis amplissimis ædificiis, tum templo nobilitatur augustissimo, pulcherrimo, ditissimo. Multa Toleta Concilia leguntur celebrata: certè ultra septemdecim numerantur, quot a libi nusquam. Toletum, ut Matrem Regnamque suam venerat *Madritum*, vulgo *Madrid*, Aëris situsque saluberrimi. Rebus omnibus abundans gratum nunc est Hispaniæ Regibus Domicilium. Non procul hinc *Villamanta* est: quæ ut volunt B. A. Montanus, Tarapha & Villano. *Mantua* est Pt. Carpetanorum in Tarraconensi Hispania opidum. Quæ vulgo, voce Arabica, Hispanis hodiè *Alcala de Henares*, tam certo creditur *Complutum* Ptol. ut latine etiam non aliter in publicis Actis & Monumentis audiat. Situm est in loco plano, ad fluvium, quem *Henarem* vocant; rerum omnium quibus usus humanus indiget, copia, suisque proventibus, adeo abundans, ut nullis aliunde bonis opus habeat. *Segancia* Antonino inter Complutum & Cesaraugustam medio fere itinere: *Siguensa* nunc appellatur. Hispalim recurro, hincque per Palatium, Alcantarille Pontem. Opidaque Cabecas & Nebrissam, *Luciferi* peto *Fanum*. Sic Latini videntur nominasse, quod Strab. lib. 111, sic nominat: quodque appellatum etiam addit, *Lucem Dubiam*: hodiè *S. Lucar de Barrameda*. Haud procul hinc quarta fere leuca versus Vulturum, Opidum

Regior:  
Situs:  
Soli ferri-  
lias:  
Urbes.